



**REPUBLIKA E SHQIPËRISË
GJYKATA E APELIT SHKODËR**

Nr. Regj. Them. 176/746/1645 (00971)

Datë 10.11.2017

URDHËR EKZEKUTIMI

Trupi gjykues i Gjykatës së Apelit Shkodër i përbërë nga gjyqtarët:

**Kryesuese
Anëtare
Anëtare**

**Hajrie MUÇMATA
Valbona VATA
Vojsava KOLA**

me sekretare seance [REDACTED], sot në Shkodër më datë 26.09.2019, në seancë gjyqësore publike, shqyrtoi çështjen civile që i përket:

PADITËS:

[REDACTED] i biri i [REDACTED] i datëlindjes [REDACTED], lindur dhe banues lagjia [REDACTED] rruga [REDACTED], nr. [REDACTED], Bashkia Shkodër, përfaqësuar në gjykim nga av [REDACTED] anëtar i Dhomës së Avokatisë Shkodër.

IPADITUR:

Korporata Elektroenergjetike Shqiptare, përfaqësuar në gjykim nga juristi [REDACTED], sipas autorizimit nr.4000 prot datë 24.09.2019.

Njësia Prodhuese HEC Vau Dejës, në mungesë gjatë gjykimti në Gjykatën e Apelit Shkodër.

PALË E TRETË:

Komisioneri për Mbrojtjen dhe Diskriminimin, në mungesë gjatë gjykimti në Gjykatën e Apelit Shkodër.

OBJEKTI:

Konstatimin e zgjidhjes së menjëhershme të pajustificuar të marrëdhënieve të punës së paditësit [REDAKTUAR] me Korporata Elektroenergjitike Shqiptare, duke detyruar ndërgjyqësit e paditur, si më poshtë:

Të dëmshpërblejnë paditësin [REDAKTUAR] me pagën e 12 (dymbëdhjeteë) muajve pagë, duke marrë për bazë pagën mujore bruto, për shkak të zgjidhjes së kontratës së punës pa shkaqe të justifikuara, sipas nenit 155 të Kodit të Punës.

Të dëmshpërblejnë paditësin [REDAKTUAR] me pagën e 3 (tre) muajve page, duke marrë për bazë pagën mujore bruto, për shkak të mosrespektimit të procedurës për zgjidhjen e kontratës së punës, sipas nenit 144 të Kodit të Punës.

Të dëmshpërblejnë paditësin [REDAKTUAR] me pagën 3 muaj për periudhën e afatit të njoftimit, për shkak të zgjidhjes së kontratës pa shkaqe të justifikuara, sipas neneve 147 dhe 155/1 të Kodit të Punës.

Të dëmshpërblejë paditësin [REDAKTUAR] me pagën e 4 (katër) muajve pagë, duke marrë për bazë pagën mujore bruto, për vjetërsinë në punë mbi 8 vjet sipas nenit të Kodit të Punës.

Konstatimin e zgjidhjes së menjëhershme pa shkaqe të arsyeshme (abuzive) të marrëdhënieve të punës së paditësit [REDAKTUAR] me KESH, duke urdhëruar ndërgjyqësit e paditur:

Të dëmshpërblejnë paditësin [REDAKTUAR] me pagën e 12 (dymbëdhjetë) muajve, në bazë të pagës mujore bruto, për shkak të zgjidhjes së kontratës së punës pa shkaqe të arsyeshme, sipas nenit nenit 146/1 pikat a, b dhe d të Kodit të Punës.

Konstatimin e faktit të diskriminimit të drejtëpërdrejtë dhe viktimizimit të paditësit [REDAKTUAR] nga veprimet e ndërgjyqësve të paditur.

Detyrimin e ndërgjyqësve të paditur për t'i paguar paditësit [REDAKTUAR] interesin e pagës për pagesat e lartpërmendura (pikat 1/a, 1/b, 1/c dhe 2 të objektit të padisë), sipas nenit 120 të Kodit të Punës.

Detyrimin e ndërgjyqësve të paditur për pagimin e shpenzimeve gjyqësore lekë, për mbrojtjen e paditësit [REDAKTUAR] sipas nenit 102 e vijues të Kodit të Procedurës Civile.

Detyrimin e ndërgjyqësve të paditur për të paguar taksën mbi të ardhurat për pagesat e lartpërmendura (pikat 1/a, 1/b, 1/c, 2, 3 dhe 4 të objektit të padisë).

Dhënien këtij vendimi të fuqisë së vendimit me ekzekutim të përkohshëm, sipas nenit 317 të Kodit të Procedurës Civile.

BAZA LIGJORE:

Nenet 1/2, 32 e vijues, 43, 47, 48, 53, 102 e vijues, 161 dhe 317 të Kodit të Procedurës Civile. Nenet 110-160 të Kodit të Punës. Nenet 18, 25 dhe 49/2 i Kushtetutës së Republikës së Shqipërisë. Neni 3 i K.E.D.NJ.-së. Nenet 1, 12 e vijues, 34-38 të Ligjit Nr.10221, datë 04.02.2010 "Për Mbrojtjen nga Diskriminimi". Nenet 419 e vijues, 625, 626 dhe 640 e vijues të Kodit Civil. Konventa nr.111 Mbi Diskriminimin në Fushën e Punësimit dhe Profesionit (Ligji Nr. 8086, datë 13.03.1996).

GJYKATA E APELIT SHKODËR

pasi shpalli vendimin nr. 532 datë 26.09.2019

VEREN

Gjykata e Rrethit Gjyqësor Shkodër, me vendimin nr.1198 (3896) datë 02.10.2017 ka vendosur:

- *Pranimin pjesërisht të kërkesë padisë së paditësit [REDAKTUAR]*
- *Detyrimin e palës së paditur të dëmshpërblejë palën paditëse me 12 (dymbëdhjetë) paga mujore për zgjidhje të kontratës individuale të punës në mënyrë të menjëhershme, të pajustificuar dhe në kohë të papërshtatshme sipas nenit 155/3 të Kodit të Punës.*
- *Detyrimin e palës së paditur të dëmshpërblejë palën paditëse me 3 (tre) paga mujore për mosrespektim të afatit 3 (tre) mujor të njoftimit sipas nenit 143, pika 1 e K.Punës.*
- *Detyrimin e palës së paditur të dëmshpërblejë palën paditëse me 3 (tre) paga mujore për mosrespektim të procedurës së zgjidhjes së kontratës individuale të punës sipas nenit 144 të K.Punës.*
- *Detyrimin e palës së paditur të dëmshpërblejë palën paditëse me 4 (katër) paga mujore shpërblim për vjetërsi në punë sipas nenit 145 të K.Punës.*
- *Si pagë referuese do të merret paga që ekzistonte në përfundimin e marrëdhënies së punës, sipas vërtetimit datë 22.02.2017, në masën e pagës bruto mujore 60.419 (gjashtëdhjetë mijë e katërqind e nëntëmbëdhjetë) lekë.*
- *Rrëzimin e kërkesë padisë për kërkimet e tjera të padisë.*
- *Shpenzimet gjyqësore siç janë bërë.*
- *Kundër këtij vendimi palët mund të bëjnë ankim në Gjykatën e Apelit Shkodër brenda 15 ditëve duke filluar nga e nesërmbja e shpalljes.*

Gjykata e Apelit Shkodër me vendimin nr.532 datë 26.09.2019 ka vendosur:

- *Lënien në fuqi të vendimit nr.1198 (3896) date 02.10.2017 të Gjykatës së Rrethit Gjyqësor Shkodër për pikat 1, 2, 6,7 dhe 8 të tij.*
- *Ndryshimin e vendimit dhe rrëzimin e kërkesë padisë për kërkimet e tjera të tij.*
- *Kundër vendimit lejohet rekurs në Gjykatën e Lartë brenda afatit 30 ditor, duke filluar ky afat nga e nesërmeja e komunimit të vendimit.*

Në kuptim të nenit 451 gërma “ç” të K.Pr.Civile, vendimi nr.532 datë 26.09.2019 i Gjykatës së Apelit Shkodër përbën vendim të formës së prerë.

Në zbatim të neneve 466/1 dhe 511 gërma “a”, të ligjit nr.122/2013, “Për disa shtesa dhe ndryshime në ligjin nr.8116, datë 29.3.1996 "Kodi i Procedurës Civile i Republikës së Shqipërisë", të ndryshuar, Gjykata e Apelit duhet të lëshojë urdhrin e ekzekutimit për këtë vendim, duke qenë se me anë të tij është ndryshuar vendimi nr.1198 (3896) datë 02.10.2017, i Gjykatës së Rrethit Gjyqësor Shkodër.

PËR KËTO ARSYE

Gjykata e Apelit Shkodër, bazuar në nenet 451 gërma “ç”, 466/1 dhe 511 gërma “a”, të K.Pr.Civile,

V E N D O S I

Lëshimin e urdhërit të ekzekutimit të titullit ekzekutiv, të vendimit nr.1198 (3896) datë 02.10.2017, i Gjykatës së Rrethit Gjyqësor Shkodër., ndryshuar me vendimin nr. 532 datë 26.09.2019 të Gjykatës së Apelit Shkodër.

Ky urdhër i bashkangjitet vendimit nr.1198 (3896) datë 02.10.2017, i Gjykatës së Rrethit Gjyqësor Shkodër., ndryshuar me vendimin nr. 532 datë 26.09.2019 të Gjykatës së Apelit Shkodër.

Shkodër, më 26.09.2019

ANËTARE
Vojsava KOLA
d.v.

ANËTARE
Valbona VATA
d.v.

KRYESUESE
Hajrie MUÇMATA
d.v.

Vertetohet njesia me origjinalin
KRYESEKRETARE
MIMOZA NDOCI